

Rekrutteringsstrategi for Helse Førde



TILTAK 10.11: Samarbeid med kommunane om legerekruttering og spesialistutdanning

Bakgrunn	<p>Helse Førde og kommunane er gjensidig avhengige av kvarandre si legedekning for å kunne tilby gode helsetenester. LIS-1 legar er ei hovudkjelde til rekruttering. Tilsettingsprosessen føregår i dag i Helse Førde med involvering av kommunane, men samarbeidet kan truleg utviklast for å styrke rekrutteringa ytterlegare.</p> <p>Fastlegar treng 6 månader sjukehussteneste som del av si spesialisering (ALIS = allmennlege i spesialisering), og mange i vårt område ynskjer å gjennomføre dette i Helse Førde. Ein ser behov for å forbetre opplegget for dette. Ofte er det LIS-vikariat som er aktuelle, men det kan vere krevjande for fastlegar å gå inn i dei då desse ofte kjem på kort varsel. Fleire øymerka ALIS-stillingar og betre informasjon kan gjere det lettare å planlegge.</p> <p>Læringsmåla til ein ALIS i sjukehuspraksis skil seg frå læringsmåla til LIS-ar som skal ta sjukehusspesialitet. Avdelingane kan difor tilpasse øymerka ALIS-stillingar ut frå tenesta ein allmennlege treng, t.d. treng ikkje ALIS ved ØNH-avdelinga å lære seg kirurgi.</p> <p>Helse Førde og kommunane kan samarbeide tettare om å finne relevant jobb til partner og gjensidig dele informasjon om aktuelle kandidatar når ein lege/partnar samtykker til dette. Ein kan også etablere felles informasjonstiltak retta mot studentar og LIS 1. Informasjon kan gjelde framtidige karrieremoglegheiter, ledige stillingar m.m. (sjå tiltakskort 10.3).</p>
Mål	<ul style="list-style-type: none"> - Tettare samarbeid enn i dag om legerekruttering og spesialisering. - Betre informasjon til fastlegar om tilgjengelege stillingar gjev moglegheit for god planlegging for alle partar.
Tiltak	<ol style="list-style-type: none"> 1. I lag med kommunane jobbe med å forbetre opplegget for ALIS-utdanning i Helse Førde: <ul style="list-style-type: none"> - Vurdere å øymerke nokre fleire LIS-stillingar for ALIS i aktuelle avdelingar ved FSS. - Vurdere å etablere ALIS-legestillingar i medisinske seksjonar ved lokalsjukehusa som inngår i primærvakta. - Systematisk informasjon til fastlegar som har meldt inn interesse/behov for sjukehussteneste om vikariat (t.d. fødselspermisjonar). Helse Vest arbeider med ein portal for dette føremålet. 2. Utarbeide rutine/avtale med kommunane om tettare samarbeid kring tilsetting LIS 1, finne aktuelt arbeid for partner, informasjonsaktivitetar m.m..
Kostnader	Ressursbruk til å gjennomføre tiltak.
Oppstart	Dialog med kommunane om føreslegne tiltak i 2021, t.d. fagråd/koordineringsråd.
Måling og/eller evaluering	Evaluering i samarbeidsfora med kommunane, t.d. noverande fagråd/koordineringsråd.